

Il cor da la furmaziun è betg pli

■ (anr/gns) Ina da las pli enconuschantas furmaziuns da la musica populara è la «Original Appenzeller Streichmusik Alder» d'Urnäsch. La furmaziun da musica appenzellaisa è da renum internaziunal ed exista dapi il 1884. Il cor ed il musicist il pli popular da la «Original Appenzeller Streichmusik Alder» è stà Ueli Alder. Ussa è il violinist e cumponist mort e quai en la vegliadetgna da 92 onns. Cun la mort d'Ueli Alder perda la musica populara svizra ina persuna cun in carisma singular, in intermediatur da la musica appenzellaisa, gea schizunt in ambassa-

dur da la musica populara. La «Original Appenzeller Streichmusik Alder», ha gi e ha anc adina success sin l'entir mund, uschia è er Ueli Alder stà dapli che 30 giadas en ils Stadis Unids da l'America cun la furmaziun. Anc en sia auta vegliadetgna era el pront per experiments e per exempel collavurà cun il rapper «Bligg», ubain cun l'icona da country Dolly Parton. Savens ha Ueli Alder cun sia «Sreichmusik» er sunà en il Grischun, cunzunt a San Murezzan, a Tavau e Savognin, ed adina puspè attratg la simpatia da giasts ed indigens.



Ueli Alder, il chau da la «Original Appenzeller Streichmusik Alder» è mort cun 92 onns.